

Ulsa ka Pag-ampo alang sa
America
(Visayan Version)

R. B. Thieme, Jr.

Ulsa ka Pag-ampo alang sa America

Langitnong Amahan, kami magduul Kanimo uban ang kama-paubsanon sa pag-ampo alang sa kalingkawasan sa United States of America. Ang among sinaligang nasod naana sa peligro, ang kaligdong mipahinunot ngadto sa pagkaut-ut, ang espirituhanong pagtoo ug kamadagayaon mikunhod ngadto sa pagkawalay-pagpakabana ug pagkawalay-pagtagad, ug ang terorismo anaa sa among mga ganghaan. Kami nagpadayon sa pagkunhod paingon sa kaalaot. Kami naparot sa hingpit Amahan, dili ngadto sa kaaway, kundili diha Kanimo.

Kami mag-ila nga kon ang mga magtotoo mapakyas, ang sinaligang nasod mapakyas ug masilotan. Daghan sa mga magtotoo diha ni Jesu-Kristo niining nasora ang nangalibog bahin sa espirituhanong kinabuhi. Sila mihiklin sa Imong dimasayup nga Pulong ug wala misunud sa mga bandera paingon sa taas nga kahibalo sa espirituhanong pagkahamtong. Apan kami usab mag-ila, Amahan, nga ang among nasod sa gihapon adunay kahigayonan sa pagbawi, kon ang mga magtotoo mahigmata ug magsugod sa pagtuman sa matuud nga katuyoan diin sila nagpabiling buhi. Pag-ampo namo nga sila unta magrebound, magkat-on sa Kamatuuran, ug magpadayon pag-uswag. Unta sila makadungog sa pagtawag pinaagi sa trumpeta alang sa paglumbay ug pag-uswag paingon sa kadaugan diha sa espirituhanong kinabuhi.

Langitnong Amahan, kami magduul Kanimo tungud sa pagtamod nga Ikaw nakabaton sa tanang kasulbaran. Ikaw lamang ang makasangkap sa mga kasulbaran nga mopabali sa panghitabo sa kasaysayan. Kami anaa sa Imong mga kamut. Ikaw makahimo pagpalingkawas kanamo sa tanang panahon. Tungud-niini unta adunay pagpalandong nganha Kanimo ug ang pagkabanhaw sa pag-ampo sulud sa among nasod. Ug sa higayon nga kami dili gani kahibalo unsaon sa pag-ampo alang sa among-kaugalingon, kami nasayod ang Dios nga Balaang Espiritu nagahimo og pagpangaliya alang kanamo uban sa "mga pagdaghong nga dili mahimong litokon," ug ang among Ginoong Jesu-Kristo, among Bantugan nga Pangulong Pari, nagahimo og pagpangaliya alang kanamo diha sa Imong trono.

Kami mapasalamaton Langitnong Amahan alang sa oportunidad sa pagsagubang og pagsulay. Kami wala gayuy kahadlok kon kami anaa sulud sa plano sa Dios. Kami nasayod nga kami molungtad niini nga mga kalisdanan uban sa kaisog, matuud nga kalinaw, ug kadaitan nga maggikan sa doktrina sa Bibliya nga nagliyok sulud sa among mga kalag. Kami nasayod nga Ikaw ang hinungdan sa tanang butang sa pag-alayon alang sa kaayohan niadtong kinsa maghigugma Kanimo ug napili pinasikad sa Imong piho-nang-daan nga plano.

Kami mapasalamaton, Amahan, alang sa oportunidad isip mga

magtotoo sa pagpanalipod alang sa among nasod, mahimong dimakitang mga bayani ug adunay usa ka impak sa kasaysayan sulud sa panahon diin kami nabuhi. Kami magpasalamat Kanimo nga si Jesu-Kristo ang nagakontrolar sa kasaysayan, ug nga Siya dili gayud magadumili pagtagad sa pag-uswag sa magtotoo ngadto sa hataas nga kahibalo. Salamat sa makanunayong paghatag kanamo sa gikinahanglang panahon alang sa pagtisok sa mga doktrina gikan sa Kasulatan sulud sa among mga kalag aron nga kami makahimo pagtuman sa among mga kaakohan ngadto sa sinaligang nasod. Kami unta mahinumtum, kami anaa dinhi alang sa paghimaya Kanimo.

Kami mag-ampo alang sa among Presidente ug sa among nasudnong mga lider. Sila unta makabaton sa kaisog ug kaalam sa paghimo og mga desisyon nga halangdon ug nahiyuon sa Imong plano alang niining nasora. Sila unta sa makalma ug sa masangputon nga magplano ug magpatuman sa kagun-uban sa among mga kaaway. Kami mag-ampo alang niadtong anaa sa kasundalohan. Sila unta dili mawad-ag-kadasig, malisang, o mahasol. Unta ang matag-usa masayod nga taliwala sa gerra, ang pagpatay sa kaaway dili imoral o malapason. Kami maghinumtum kanila kansang mga ngalan anaa sa among buletin sa simbahan, kalakin-an ug kababayen-an sulud sa kasundalohan nga nagpatuman sa prinsipyo sa kagawasan pinaagi sa sundalohong kadaugan. Ug kami mag-ampo alang sa Berachah Batalyon niining mga malisud nga higayon sa among kasaysayan. Panalipdi ang matag myembro gikan sa kadaot samtang sila mag-atubang sa among mga kaaway.

Langitnong Amahan, kami nahatagan og usa ka talagsaon nga espirituhanong kinabuhi ug pasikaran alang sa pagpahibalik sa pivot. Kami mag-ampo sa lig-ong gahum sa espirituhanong kinabuhi dinhi sa United States nga moduyog diha sa pagpildi sa among kaaway, ug ang dakong panalangin mahibalik niining nasora. Ang among mga kaaway magtawag kanamo og yawan-on, apan sila unta makakat-on sa pagtawag kanamo og Kristohanon samtang ilang makita ang Gahum sa Langit mismo! Amahan, kami mag-ampo sulud niining panahon sa nasudnong krisis alang sa usa ka kabag-ohan ingon nga wala pa namo makita sa miagi sulud sa among kasaysayan. Kami mangayo niini pinaagi sa ngalan sa Hari sa mga hari ug Ginoo sa mga ginoo, diha ni Jesu-Kristo among Manluluwas. Amen.

Ug ang Akong katawhan kinsa mitawag sa Akong ngalan mapaubsanon sa ilang kaugalingon ug mag-ampo, ug mangita sa Akong panagway ug magpahilayo sa ilang daotan nga mga paagi, busa Ako mamati gikan sa langit, mopasaylo sa ilang sala, ug mopalagsik sa ilang nasod. (2 Mga Cronicas 7:14)



R. B. THIEME, JR., BIBLE MINISTRIES

P. O. BOX 460829
HOUSTON, TEXAS 77056-8829
(713) 621-3740
www.rbthieme.org

© 2008 ni R. B. Thieme, Jr. Ang Tanang Katungud Gitagana.

Ang mga Kasulatan gihubad gikan sa orihinal nga teksto sa
A Prayer for America

Gihubad ngadto sa Binisaya nga pinulongan ni Jerome L. Salutan.
Gitan-aw pagbalik nila ni Amado D. Carejo, David C. Vicoy ug Raflyn H. Salutan.
Gipatik nga may pagtugot sa R. B. Thieme, Jr., Bible Ministries, 2021.